


Hoz es il Di mundiel
dal chaun

Bella

Luppo

Filu

Rex



OCTOBER

text: Chattrina Josty, illustraziun: Yvonne Gianol,
grafica: Theres Jögger, fotografia: Jörgen-Staus
© Lia Rumantscha

KIDSFITSCHE
Lia Rumantscha

Il Di mundiel dal chaun

Cò vain il di per Lupo! Al Di mundiel dal chaun dèssan ils umauns dir grazcha als chauns per tuot que ch'els faun per els. E Lupo ans fo bain buna glüna. Per que ho el merito üna liangia. U forsa eir duos.

Que nu's so chi chi ho gieu l'ideja da declarer ils 10 october scu Di mundiel dal chaun. Sper quel di do que auncha bgers oters dis in onur dals chauns. In Germania es ils 1. gün il Di dal chaun, i'ls Stedis Unieus es ils 26 avuost il «National Dog Day». I'l center staun adüna ils chauns. Els chi lavuran eir quel di per nus umauns. Scu per exaimpel ils chauns da pulizia, ils chauns da lavinas u ils chauns chi perchüran la bêsch. Oters chauns accumpagnan a

persunas orvas, faun atenziun sün bains purils e davaunt chesas u sun simplamaing buns cumpagns per grand e pitschen. Que as disch: il chaun es il meglder amih da l'umaun. E quist meglder amih ho bain da bun üna pitschna posa u forsa ün regalin cha's pudess al fer güst als 10 october.

Che pudessast tü fer per tieu chaun, scha tü hest ün, u pel chaun da la chantunaisa? Forsa üna spassageda specielmaing lungia? U ün gö cun üna balla? U forsa al der üna liangia? U perfin duos?

Saun eir chauns as fer impissamaints?



Hest tü u ho qualchün in tia vicinanza ün chaun?
Cu ho el nom?
Che character ho quel chaun?



Cugnuoschast tü ün pêr razzas da chauns?




Zambragia tieu egen chaun! 1

Tü drouvast:

- rollas da chartun (p. ex. rollas da palperi da tualetta)
- differentas culuors d'ova u gouache
- palperi da culur
- ögls cun pupilla movibla
- corda u launa
- ün ramin
- barbiroulas da chartun, cucuns da butiglias da vin u vierchels da butiglias da PET
- pinels
- üna forsk
- üna granda aguoglia da launa
- colla
- giazetta per cuverner la maisa





vu vu



text: Charitina Josty, illustraziun: Yvonne Cianel,
grafica: Theres Jönger, fotografia: Jörgen-Staues
© Lia Rumantscha

KIDSFITSCH
Lia Rumantscha

Cuas













2



Uraglias

Che uraglias ho
tieu chaun? Tscherna
ün pêr!



- 1 Stüdgia cu cha tieu chaun dess garder our. Voust fer ün pudel, ün dalmatin u ün chaun da fantasia? Piglia trais rollas da chartun e culuresch'las culla culur dal pail da tieu chaun.
- 2 Üna rolla da chartun es pel corp. Cu guard'our il corp da tieu chaun? Ho el flachs, puncts u es tuot d'üna culur? Pittüra il corp scu cha tü t'il imagineschast u taglia our fuormas dad ün palperi da culur e tach'las sü'l corp.
- 3 La segunda rolla da chartun es pel cho. Taglia giò ün ur da circa 2 cm da quista rolla. Cu guard'our il cho da tieu chaun? Decorescha'l tenor tieu gust.
- 4 Taglia per lung la terza rolla da chartun. Stüdgia che uraglias cha tieu chaun dess avair. Sun sias uraglias agüzzas u arduondas? Staun ellas dret sü u pendan ellas? Sun ellas grandas u pitschnas? Tscherna ün pêr uraglias e tagl'las our dal chartun. Taglia eir our üna cua.

1



2



3



4



- 5 Piglia la forsch e fo quatter fouras aint illa part suot dal corp.
- 6 Piglia la corda e taglia giò duos töchs pü lungs per las chammas davaunt e las chammas davous. Piglia per mincha chamma üna barbiroula taglieda permez e tira tres la corda. Cun l'aguoglia da launa vo que meglider da trer las cordas tres las fouras. Suotvart fest mincha vouta ün nuf. Las pattas poust eir fer cun vierchels da butiglias da PET u cun ün cucun taglio in quatter töchs. Forsa hest ün'egn'ideja per fer las pattas?

- 7 Fo uossa duos fouras aint illa part sur dal corp. Eir aint il cho fest duos fouras; üna suotvart tal culöz ed üna survart traunter las uraglias.
- 8 Piglia üna corda e tir'la tres il corp. Per fixer il cho fest ün nuf illa corda. Infila la corda tres il cho.


5



6



7



8



- 9 Lia uossa tieu chaun vi dal ramin.
 10 Tacha sü las uraglias, ils ögls e la cua.
 11 Uossa poust ir a spass cun tieu chaun!


9




10



11



Cu ho nom tieu chaun?
Trametta üna fotografia da tieu chaun
per nossa gallaria da chauns sün
kidsfits@rumantsch.ch.



text: Chatriina Josty, illustraziun: Yvonne Cienal,
grafica: Theres Jörgler, fotografia: Jörgler-Staubs
© Lia Rumantscha

KIDSFITSCH
Lia Rumantscha